

雞  
肋  
集

濟北晁先生雞肋集目錄

第十二卷

古詩

送張緝子望太常簿

鄭彥能求擬江亭詩

贈楊景平

送吳黯赴關

送陳逸之筠州

過劉季孫

贈段萬頃

次韵魯直謝李右丞送茶

與李文叔夜談

贈送張愈秀才

魯直復以詩送茶云願君飲此勿飲酒次

韵

次韵蘇公翰林贈同職鄧溫伯懷舊作

次韵文潛館中作

次韵太學黃博士冕仲同考試作

復用前韵贈祠部陳元與

復用前韵呈刑部杜丈君章

復用前韵再呈冕仲

送龍圖范丈德孺帥慶

初與文潛入館魯直貽詩并茶硯次韵

同文潛館中韵贈蔡天啓

次韵魯直試院贈李伯時畫詩

喜文潛自淮南歸招飲西岡呈坐客

李成季得閩子常古琴作

濟北晁先生雞肋集目錄

終

濟北晁先生雞肋集卷第十二

古詩

送張縉子望太常簿

張侯於我丈人行十年江湖心鄉往平生獨立白  
雪曲少時妙譽青雲上胡爲四十尚飄蓬逢衣騎  
馬鄴城中將軍寶帳簪履肅開府畫筵簫鼓雄况  
復儒宮飽閑暇堂有叢書竹蕭洒論文不厭夜經  
過起看北斗插黃河相逢安得怨寂莫仲宣樓頭  
良可樂何當奇計出番禺未應長檄開邛笮太常

句稽亦不冗少卿淑問清時重俎豆之事則嘗聞  
男兒讀書業有用歸去天邊道路長東風春草滿  
池塘美人不來時晚晚誰與玩此林間芳

鄭彥能求擬江亭詩

亭下流泉三畝隘誰擬西江晴一派桃李佳名聞  
咎人此言雖小可喻大寧非逐楚顏頰身當是羊  
裘傲漢人避世牆東王君公五經紛紛并大春端  
然養魚廢車馬一身環堵觀天下吾人鄭子詩句  
新高堂素壁開蕭洒何當湛湛見青楓白蘋落日

慰相逢一亭兩檻更何有波濤風雨船前後莫憶  
蔡槎犯漢津莫憶樓船下石城盡醉漁陽無好曲  
短蓑銅斗平生足

贈楊景平

君不見華陰楊君漢孔子君生其後無乃似平居  
恐懼西北隅力行發憤尚不媿君今鳴櫓下長淮  
眼明清曉三楚開揚州行矣勿濡滯江南細雨收  
黃梅我今正是鳥折翼肺病三年廣文直咎時黃  
帽榜舟人却向西湖當不識寄聲關子老漁樵小



山桂樹不須招棄槎東海未敢必欲去天台觀石  
橋

送吳黯赴闕

我初官此君未來君今去此我未往翻飛豈不慕  
緬邈畱滯何能悲執掌學道平生昧蹊徑半世端  
如走榛莽古人曾病田甫田切磋安可去吾黨東  
風消雪送鴻雁南國連山生篠簜爲當歸夢五湖  
中會有高名百寮上

送陳逸之筠州

居貧百草春，霍靡製作舞。雩春服美愛，君欲贈華  
韡韡。思君何處無芳卉，三年眼花祗欲眠。驚夢往  
往音，蹙然單金安所用。吾技術成正，復遷劉累不  
狩，何由有貳特錢。鑄須勤，晚方積。呻吟裘氏日已  
多，恩流三族功比河。告行風雨春，物空催花作果  
黍芄芄亦從梁。汴卽清，穎湛湛已見江。頭楓巖君  
被命分符虎，替者無孺。今五稔未勞，負米迂山川。

姑第酒中從聖賢

一作奉甘未用君力  
田君第酒中從聖賢

過劉季孫

劉侯歲覆春堤料居不曾閑須我勞未嫌清濁各有攜匪報瓊瑤以爲好吏訶單絃自可更兒笑接  
羅從復倒爲憐徒步此青袍重憶歸來著黃帽官  
忙未向林野疎時清不廢詩書傲梨花如雪許重  
尋秋實坐牆晚方到

贈段萬頃

美人窈窕家南國可與副笄親黍稷平生寂寞風  
將雛慙愧木桃猶報璧石城三槩爲誰催萬里清  
江凌不測王門酒肉傲麇龍豈有鄒陽仍下客危

詞欲洗大夫冤千載獨懷吾祖賢不量腹小文籍  
樽頗似井蛻輕飲川丈夫趣舍無南北情親非爲  
精屋連子真正用臥谷口乃有高名誼日邊胸中  
傀儡契何所自笑柴愚得參魯借令好問忘足爾  
狐腋豈堪黃犬補吾身櫟社真寄耳趣取無用安  
足數無心俎几鏡盪辱拳曲不差人厭覩土山出  
決石爲融義和當午車隆隆通渠束帶過者寡乃  
獨葛巾終日飼頽困倒康用餉我我爲牙羽陳編  
鍾蟬聲入尊康節改別我整驂無愧容

次韵魯直謝李右丞送茶

鄰城米貴斗論璧長飢茗椀無從識道和何暇索  
檳榔慙媿雲龍羞肉食經源萬晦不作欄上春伐  
鼓驚山顏題封進御官有局夜行初不更驛宿冰  
融太液俱未知寒食新苞隨賜燭建安一水去兩  
水易乾豈如涇與渭若丞分送天上餘我試比方  
良有似用國清澗珍茶羊葵花瑣細胃與腸可憐  
賦罷羣玉晚寧憶睡餘雙井香大勝膠西蘇太守  
茶湯不美誇薄酒

與李文叔夜談

中庭老柏霜雪裏北風烈烈偏激耳誦詩夜半舌  
入喉飲我樽中淥醯美升堂辭翰愧非有何異還  
家數其齒文章萬古猶一魚乙丙誰能辨腸尾更  
慙頗似會稽康欲語常遭士瑤柅廣陵八月未足  
言曾使醒醲恣然起安得譚如子枚子

贈送張愈秀才

秋水幽幽濟河道君挂蒲帆若飛鳥西風黃葉滯  
公車雞黍從君懷故廬男兒自有四方志世上相

期獨榮利管時馬周徒步動天子君今有用當如此

魯直復以詩送茶云願君飲此勿飲酒次韵  
相茶真似石韞璧至精邴可皮膚識溪芽不給萬  
口須往往山毛俱入食雲龍正用餉近班乞與鹿  
官誠覩顏崇朝一盃坐官局申旦形清不成宿平  
生樂此臭味同故人貽我情相燭黃侯發軔日千  
里天育收駒自汧渭車聲出鼎細九盤如此佳句  
誰能似遣試齊民蟹眼湯扶起醉頭湔腐腸頗類

它時玉川子破鼻竹林風送香吾儕幽事動不朽  
但讀離騷可無酒

次韵蘇公翰林贈同職鄧溫伯懷舊作

雪堂蜜酒花作醅教蜂使釀花自栽堂前雪落蜂  
正螫恨蜂不采西山梅漫浪飲處空有跡無酒可  
沃胸崔嵬不知幾喚樊口渡五見新曆頒清臺鄧  
公咎歎不可挽素衣未化京雒埃山中相邀阻筇  
杖天上對直同金罍只今江邊春更好漁蓑不曬  
懸牆隈百年變化誰得料劒光自出豐城苔老儒



經濟國勢定近臣獻納天顏開蜀公亭上別公處  
花柳未逐東風摧尚容登堂譚落屑不媿索米腸  
鳴雷因知流落本天命何必挽引須時來九關沈  
沈虎豹靜無復極目江楓哀

次韵文潛館中作

蓬山前臨九軌路三日街晴案吹土直廬鑿牖面  
宮垣青壁嶄嶄看垂雨殿閣風斜碧瓦寒翅溼蒼  
鳶不能乳却思窮巷亦可言一掃蚊虻通管苦鬱  
蒸書課未須忙午漏傳休聽天語

傳宣暑伏午  
後罷校讐

平